



ALVER KOMMUNE  
Postboks 4  
5906 FREKHAUG

Saksbehandlar, innvalstelefon  
Martin Søgner, 5764 3079

## Uttale - Landbruksveg - Austrheim - 156/12 og 156/24

Vi viser til høyring på søknad om bygging av landbruksveg klasse 3 på gnr. 156. bnr. 12 og 24 i Austrheim kommune. Vegen er planlagt med 1170 meter ny veg. I søknaden står det om tiltaket at vegen vil gi tilgang til 252 dekar. Interesser i vegen er opplyst å vere 100 prosent jordbruksinteresser. Kommunen har sendt saka til uttale, jf. *forskrift om planlegging og godkjenning av landbruksveier* § 3-1, jf. § 1-1.

Føremålsparagrafen i landbruksvegforskrifta seier «*Formålet med denne forskriften er å sikre at planlegging og bygging av landbruksveier skjer på en måte som skal gi landbruksfaglige helhetsløsninger. Det skal samtidig legges vekt på hensynet til miljøverdier som naturmangfold, landskap, kulturminner og friluftsliv, hensynet til fare for flom, erosjon og løsmasseskred, samt andre interesser som blir berørt av vei framføringen*»

I slike høyringssaker går vi ikkje detaljert inn i dei vurderingane som må gjerast i saka, dette fordi det er kommunen som er den ansvarlege førsteinstansen og som skal foreta dei konkrete vurderingane i forhold til regelverket. De kan finne ein god del informasjon på [nettsida](#) vår som kan vere nyttig, der er det bl.a. lenker til regelverket og aktuelle rundskriv.

Vi har gjort ein kort utsjekk av miljøinteressene i denne konkrete saken, så vidt vi kjenner til er det ikkje viktige naturkvalitetar eller miljøverdier som vert råka av dette veganlegget.

Vegen skal mellom anna brukast i samband med opparbeiding av beite. I 2022 hadde samdrifta som søkar er med i 50 ammekyr og 78 øvrige storfe. Det er her snakk om ein kostbar veg, kunne ein ha bygd vegen etter ein enklare standard enn vegklasse 3? Det skal også anleggast eit massetak knytt til vegen med eit stipulert uttak på 30 000 m<sup>3</sup>. Vi vil peike på det grunnleggande kravet i landbruksvegforskrifta, at landbruksverksemd skal utgjere hovudformålet med vegen. Er det tilfelle for denne vegen?

Med helsing



Christian Rekkedal  
landbruksdirektør

Martin Søgne  
rådgjevar

*Dokumentet er elektronisk godkjent*